


65996

2000.129

39.25

部=1~20

上虞縣志校續



上虞縣志校續

光緒戊戌孟夏開  
雕次年仲夏成書

昔太史公史記書成後班氏因之以作漢書其辭例悉仍乎舊而篇目或溢之以補遷史所未備迄今兩家書並行於世書固有不妨兩存者獨史也乎此邑志蓋亦有然矣上虞舊志咸同間燬于兵前縣令德化唐公任

而蒐輯之始仍為舊觀允輿地水利興夫忠孝廉義以及一二即可名之士復照耀于耳目不至湮沒而不傳者實唐公之力也願其書成于光緒辛卯時唐公道調任山陰遂促手民尅期竣事閱數月即裒然成帙蓋未暇

博攷詳訂有必然者比書出都  
人士取而讀之謂有未盡徵實  
也爰以重輯之議來請予從而  
應之曰志者所以志其事之實  
而必求其是也唐序云蒐羅散  
失利正謬誤欲使一邑文獻有  
以信於今而傳於後今諸君子

之請正亦唐公攷鏡得失之資  
也予雖不敏曷敢不從特校讐  
當悉心以力矣繇是正錯簡搜  
遺佚慎益以密毋少或輟聘宛  
平徐先生任總纂之職先生博  
覽群書卓然為當世望猶且  
窮日夜力周寒暑而後歲修

訂洵非易事也今釐然各當矣  
總纂之力亦諸君分纂之功予  
何幸而得樂觀厥成也雖然古  
虞佳山水鍾毓之秀代出偉人  
後必有瑰瓌奇特之節復為邑  
乘光者則此志之繼往開來並  
存致續是所望於後之君子已

光緒二十有四年歲次戊戌秋七  
月上澣知上虞縣事宜興儲家藻  
撰并書

敘

上虞以舜封舊墟得名最古  
自秦漢迄今悉仍之邑中山  
水秀美代毓偉人光耀史乘  
蓋聖人之澤如此其遠也邑

上虞縣志校續

敘

志始於元歷有明入

國朝修廢舉墜前賢更迭為  
之光緒辛卯前令君德化唐  
公因嘉慶舊本中更寇亂放  
佚日久慨議修輯甄綜羣籍

實集大成書垂成以受代去  
匆促付梓都人士以為美猶  
有憾請於繼任宜興儲公通  
詳立案設局重修儲公禮聘  
宛平徐先生為總纂先生負

重望讀中秘書當代大手筆  
也歲丙申命駕來虞與都人  
士商定體例期於事必徵實  
義嚴翻案因攜原書及分纂  
諸稿本入都手自校勘益加

詳慎或芟繁就簡或踵事增  
華或根據信史或備採私家  
寒暑一更哀然成集先生自  
言新舊相仍規隨無間自比  
於沈茂才虞乘刊補王孝廉

虞志備稿二書名曰校續先  
生蓋謙言之亦以見著述之  
綦難矣戊戌秋仲余奉大  
府檄調權斯邑下車伊始適  
觀厥成都人士復以序請固



辭不獲爰書梗概以質方來  
賜進士出身前翰林院庶吉  
士同知銜調署上虞縣事汪  
一麟撰

上虞縣志校續序

自秦置郡縣上虞以舜封舊墟得名至今不易  
蓋文德漸被遺澤長矣邑志始於元時歷前明  
入

國朝代有述作光緒十七年邑令唐君勗議修  
輯綜羣籍之大成爲書四十八卷蒐採浩博體  
例精嚴視嘉慶以前諸志疏陋不文舉莫與比  
誠盛事也顧自始事迄成書未及一年尅期告

上虞縣志校續

序

一

歲舛誤遺漏在所不免都人士以爲未昭信實  
也於是以前通詳立案設局重修請於今令儲公  
公謂茲事體大盍姑待旣而請益堅遂開局重  
纂而禮聘不佞主其事自維學殖譎陋懼弗克  
勝而公手書敦促辭不獲已於丙申夏五應召  
來虞日與都人士相款接且導游始靈山水攬  
百樓五癸之雄眺鳳鳴蘭苒之勝訪舜禹之遺  
迹緬王謝之流風美哉名區秀靈孕育達人傑

士史不絕書固其宜已維時分纂諸彙適已彙  
齊值不佞卒卒尠暇秋八月抵京寓塵勞甫息  
卽取新纂各彙與原書互相校勘參之舊志證  
之史籍誤者正之闕者補之率者詳之贅者省  
之去取未審論斷未允者斟酌而慎訂之又據  
近五六年中採訪各條之可信者廣續而增入  
之若夫發凡之例紀敘之體屬詞剪藻之義一  
仍舊貫無取更新蓋分纂諸君之擴除意見實

事求是信乎可以嘉惠桑梓取信後賢而不佞  
乃祇樂觀厥成也爰馳書儲公而貢其愚曰此  
次重修之舉雖與沈氏之虞乘刊補王氏之虞  
志備彙大旨略同而新舊相仍規隨無間惟期  
信而可徵非曰故從其異書成蓋名曰上虞縣  
志校續刊行之後與原書並行不悖夫而後剞  
輯之苦心重訂之要旨都人士之敬恭弗懈賢  
令君之善體輿情展卷瞭然舉可共諒豈與夫

矜情立異好翻成案者同日而語也哉儲公以爲可都人士亦曰可用綜顛末而爲之序

光緒二十三年歲次丁酉仲春下浣

賜進士出身誥授資政大夫日講起居注官翰林院侍讀學士宛平徐致靖子靜甫撰

凡例

一志書卽古國史之遺春秋之義首書春王所以大一統也會稽章實齋先生永清志首列 皇言卽宗斯例做而行之首卷恭紀 天章

一舊志人物分德業孝友諸目以後學品隲前賢旣嫌僭越亦多未確且不便於檢閱今仿孫淵如松江府志例以時代爲次不分門類參用史記合傳附傳及南北史王謝一家傳例列女傳同其有事迹無多文不成傳者則做華陽國志士女名目錄之例而以列女姓氏附焉

上虞縣志校續

凡例

一

一嘉慶志輿地水利分立兩門以漢書地理志溝洫志方之未爲大謬然水繫於地水利實關地方要害今從萬曆志併入輿地

一嘉慶志有食貨門又有田賦門攷食貨之目創於孟堅所言掌故田賦居其大半今合爲一

一學校爲人材盛衰所繫舊志入建置門殊非崇尚之義今立專門

一舊志不載兵事虞邑地非衝要兵事蓋寡其顛末可攷者晉孫恩至 國朝咸同間粵寇凡若干事附載武備

門以表安不忘危之旨

一經籍志用萬厯志例以人爲次不分四部又每書標舉  
大旨參用郡齋讀書志及四庫提要例亦間仿經義攷  
節錄序文

一吉金樂石以時代爲次其有事關掌故或涉水利者別  
錄其文於各篇之內金石志中第詳年月姓名款識字  
數此外則盡錄全文兼附考證一以錢漢村金石記爲  
底本惟錢書以元爲斷限今仿汪謝城先生烏程志例  
自漢迄今悉著於編

上虞縣志校續

凡例

二

一舊志有藝文門以載詩文案漢書新唐書明史各藝文  
志皆志書目非志詩文今旣立經籍志而錄詩文之有  
關典要者別名文徵其編次惟以作者時代爲先後亦  
不分門類

一諸史目次向有同異史記漢書之屬先志後傳魏收魏  
書先傳後志今用魏書之例又章實齋先生曰史之有  
表乃列傳之敘目名列於表而傳無其人者乃無德可  
稱而書事從略者也其有立傳而不出於表者事有可  
紀而用特書之例也今表後卽繼列傳於章先生之惜

亦合

一前人著作不得掠美凡有援引概注書名其有採掇成篇者則逐段注明所據何書如文由剪裁事本羣籍則每條下總注某書某書採訪所得則注採訪或新纂新  
增

一承用舊志從最初之本如萬曆志所有而正統志已有者則注正統志嘉慶志所有而康熙志已有者則注康熙志王氏虞志備考所有而沈奎虞乘刊誤補遺已有者則注刊補

上虞縣志校續

凡例

三

一每門義例無關全書大旨者則於每篇之首或每條之末間標作意 以上例言仍原書

一舊志縣境圖摹畫山水徒工繪事原書以開方計里法行之自勝舊圖第方里過狹蠅書難辨分圖尤苦模胡且分帙裝訂亦不便於檢閱今併作總圖一帙每方五里分圖六帙每方二里繫以山川村落橋梁寺觀摺疊成帙城圖則每六方合爲一里字迹放大務使遠近不爽一覽而知庶合古人圖經之義

一表中諸人間有附注其入列傳者則但注有傳或附某

某傳以歸簡省

一茲編義取正譌補闕凡原書舛誤遺漏及空言論斷未見確當之處或更正或删除惟期實事求是並非故與爲難至事實無甚異同者悉用原文孟堅漢書多仍史記比物此志也

一舊志卷帙遞有增加時爲之也原書四十八卷茲編又多二卷踵事增華理有固然蓋志書義取翔實務使開卷瞭然足備徵考若必有意就簡強爲節縮以致文艱義晦轉乖徵實之義矣閱者諒之

上虞縣志校續

凡例

四

一原書各條與舊志有異附有案語者茲編或不備載以省篇幅蓋兩書旣並行自可參考而知也



上虞縣志校續目錄

卷首

天章

卷一

方輿圖

附道里紀

營建圖

卷二

沿革表

卷三

上虞縣志校續

目錄

一

職官表

附考

卷四

選舉表

封贈仕籍附 附考

卷五

列傳一

名宦 附事略

卷六

列傳二

人物

卷七

列傳三

人物

卷八

列傳四 人物

卷九

列傳五 人物

卷十

列傳六 人物 附事略

卷十一

列傳七 人物

卷十二

上虞縣志校續

目錄

列傳八 人物

卷十三

列傳九 人物

卷十四

列傳十 人物

卷十五

列傳十一 寓賢 方伎 仙釋

卷十六

列傳十二 列女

卷十七

列傳十三 列女

卷十八

列傳十四 列女

卷十九

列傳十五 列女

卷二十

輿地志一 分野疆域形勝坊都

卷二十一

上虞縣志校續

目錄

輿地志二 山川

卷二十二

輿地志三 山川

卷二十三

輿地志四 水利

卷二十四

輿地志五 水利

卷二十五

輿地志六 水利

卷二十六

輿地志七 水利

卷二十七

輿地志八 橋渡

卷二十八

輿地志九 古蹟 附器物

卷二十九

輿地志十 塋墓

卷三十

上虞縣志校續 目錄

四

食貨志二 戶口田賦

卷三十一

食貨志二 物產

卷三十二

食貨志三 積儲鹽法

卷三十三

建置志二 城池衙署

卷三十四

建置志二 祠祀

卷三十五

建置志三  
鋪舍義產

卷三十六

學校志一

卷三十七

學校志二  
附書院義塾

卷三十八

武備志

卷三十九

上虞縣志校續  
目錄

五

經籍志

卷四十

金石志

卷四十一

雜志一  
風俗祥異軼事

卷四十二

雜志二  
寺觀

卷四十三

文徵內編一

卷四十四

文徵內編一

卷四十五

文徵內編三

卷四十六

文徵內編四

卷四十七

文徵外編一

卷四十八

上虞縣志校續

目錄

文徵外編二

卷四十九

文徵外編三

卷五十

文徵外編四

卷末

舊序

上虞縣志校續卷首

天章

順治十年

諭祭故明戶部尙書兼翰林院學士今諡文貞倪元璐之靈曰文章華國節義維風有一於此歿有餘榮維爾元璐遭時不偶爾骨欲寒爾名不朽不朽維何文山之歌似爾正氣伊誰較多爾才鬱勃砰礪江左弱歲聯翩赤墀青瑣再任成均德重型尊暫蹶復振主眷方殷司農告匱命爾擘畫無米胡炊與時同蹶寇躡都門維絕柱崩君死社稷

上虞縣志校續

卷首 天章

一

而爾死君嗚呼衣冠楚楚結纓不苟附髯攀鱗喜隨君後泰山鴻毛死爲重輕疇能似爾不媿科名地有河嶽天有日星爾名並垂振古如生特隆諭祭尙其歆承

康熙十七年四月二十二日廣西巡撫傅宏烈奏故撫臣馬雄鎮幕友陳文煥等周旋患難冒險來歸忠君信友兩全其美伏乞

敕部敘錄以鼓義士之氣得

旨據奏原任廣西巡撫馬雄鎮抗詞罵賊精忠報國並家口殉難忠貞慘烈深可憫惻作何恩卹著議政王大臣等

會議具奏陳文煥等冒險來歸可嘉著一併議奏

雍正三年十二月二十日署浙江巡撫福敏疏紹興海塘工程原議皆用條石後以條石不易購致限期已迫遂用條石托外亂石填中今恐日久坍塌仍改用條石請寬限期督率改築得

旨海塘工程關係民生最爲緊要必須一勞永逸若因條石一時難以購致從前便當聲明緣由奏請展限何得草率從事著交與新任巡撫李衛悉心查勘指示更改修理務期永遠堅固張楷在江南修理塘工用木椿密釘似爲有益可否倣行並令李衛酌量

乾隆元年三月初一日

諭朕聞浙江紹興府屬山陰會稽蕭山餘姚上虞五縣有沿江沿海隄岸工程向係附近里民按照田畝派費修築而地棍衙役於中包攬分肥用少報多甚爲民累嗣經督臣李衛檄行府縣定議每畝捐錢二文至五文不等合計五縣共捐錢二千九百六十餘千計值銀三千餘兩民累較前減輕而胥吏等仍不免有借端苛索之事朕以愛養百姓爲心欲思閭閻毫無科擾著將按畝派錢之例卽行



停止其隄岸工程遇有應修段落著地方大員委員確估於存公項內動支銀兩興修報部覈銷永著爲例

道光十年五月十三日奉

上諭朕聞江西泰和縣知縣徐迪惠通曉堪輿巡撫吳光悅卽著該員到省飭令來京務於中秋前後趕到著此諭令知之

同治四年十一月二十五日奉

上諭馬新貽奏遵保督辦土備塘工出力官紳開單請獎一摺浙江仁和海鹽境內土備塘堤年久坍塌潮水內灌爲害民田經該撫飭令該官紳等勸捐督辦修築堅固尙屬著有微勞自應量予獎勵員外郎銜候選主事經緯始終奮勉出力積勞病故著照軍營立功後身故例議卹

光緒十七年七月二十三日奉

上諭山東巡撫張曜秉性忠勇歷著勳勤咸豐同治年間由知縣從戎創立嵩武軍轉戰河南安徽湖北直隸等省迭克名城剿平粵捻各逆嗣復剿辦甘肅及關外回匪掃穴擒渠戰功甚偉歷受

先朝知遇賞給騎都尉世職賞戴雙眼花翎陞授布政使

改補總兵擢任提督朕御極後因回疆肅清給予一等輕車都尉加一雲騎尉世職補授廣西巡撫加尙書銜調任山東巡撫於山東黃河尤能悉心擘畫親歷河工督率工員力籌修守實屬勤勞罔懈前經迭奉

懿旨命幫辦海軍事務賞加太子少保方冀克享遐齡長承倚畀昨因患病甫經賞假調理遽聞溘逝軫惜殊深張曜着晉贈太子太保入祀賢良祠並於立功省分建立專祠生平戰蹟事實宣付國史館立傳加恩予諡賞銀一千兩治喪由山東藩庫給發照總督例賜卹任內一切處分

上虞縣志校續

卷首 天章


四

悉予開復應得卹典該衙門察例具奏靈柩回籍時沿途地方官妥爲照料伊子知府張端本着遇有道員缺出請旨簡放主事張端理着賞給員外郎張端瑾及伊孫張爾常均着俟及歲時由吏部帶領引見用示篤念蓋臣至意欽此

上虞縣城圖




上虞縣境圖




東北二里方分圖六之一



西北二里方圖六之三







西二里方分圖六之四

